



Në mbështetje të nenit 5, paragrafi 1, nënparagrafi 1.1, pika 1.1.1, nenit 12 paragrafi 1, nënparagrafi 1.5 dhe nenit 22, paragrafi 3, të Ligjit Nr.08/L-017 për Agjencinë për Parandalimin e Korrupsionit, nenit 21 paragrafi 2 të Ligjit nr. 06/L-011, për Parandalimin e Konfliktit të Interesit në Ushtrimin e Funkcionit Publik, neni 11, paragrafi 4, i Rregullores Nr. 03/2023, për Procedurat për Hetimet Administrative në Agjencinë për Parandalimin e Korrupsionit, Drejtori i Agjencisë për Parandalimin e Korrupsionit, me datë 31.03.2026, nxjerrë këtë:

V E N D I M

- I. Mbyllet rasti DPKI-21/26, për zyrtarin e lartë Hysen Hundozi, u.d. Drejtor i Përgjithshëm në Radio Televizionin e Kosovës për shkak se është shmangur gjendja e papajtueshmërisë me ushtrimin e funksionit publik.
- II. Ky vendim është përfundimtar në procedurën administrative dhe i njëjti publikohet në uebfaqen zyrtare të Agjencisë për Parandalimin e Korrupsionit.

A r s y e t i m

I. Rasti i hapur nën dyshimin për konflikt interesi në ushtrimin e funksionit publik për zyrtarin e lartë Hysen Hundozi, është trajtuar sipas procedurës së paraparë me Ligjin Nr. 08/L-017, për Agjencinë për Parandalimin e Korrupsionit (në vijim: Ligji për Agjencinë për Parandalimin e Korrupsionit), Ligjin Nr. 06/L-011, për Parandalimin e Konfliktit të Interesit në Ushtrimin e Funkcionit Publik (në vijim: Ligji për Parandalimin e Konfliktit të Interesit), si dhe Rregulloren Nr. 03/2023 për Procedurat për Hetimet Administrative në Agjencinë për Parandalimin e Korrupsionit (në vijim: Rregullorja për Procedurat e Hetimit Administrativ).

Ky rast ka filluar të trajtohet pas informatës së pranuar nga një raportues i jashtëm (në vijim: raportuesi i rastit), me pretendimet se (citojmë nga kërkesa): “[...] u.d. Drejtori i RTK-së Hysen Hundozi, ka dyshime për konflikt interesi në angazhimin e tij privat krahas pozitës në mediumin publik.[...]”.

Agjencia për Parandalimin e Korrupsionit (në vijim: Agjencia), me shkresën zyrtare DPKI-152/26, e ka njoftuar zyrtarin e lartë lidhur me fillimin e procedurës për shqyrtimin e gjendjes së papajtueshmërisë me ushtrimin e funksionit publik. Më pas me zyrtarin e lartë Hysen Hundozi është mbajtur një takim, me ç ‘rast i njëjti është njoftuar lidhur me faktet që posedon Agjencia lidhur me rastin konkret, si dhe i njëjti është udhëzuar për veprimet që duhet t’i ndërmerret për të shmangur gjendjen e papajtueshmërisë me ushtrimin e funksionin publik.

Konkretisht i njëjti është udhëzuar se zyrtari i lartë gjatë ushtrimit të funksionit publik nuk mund të jetë përfaqësues i autorizuar në biznes privat e as mbaj funksion drejtues për faktin se një situatë e tillë paraqet papajtueshmëri me ushtrimin e funksionit publik sipas nenit 13, paragrafi 1, lidhur me nenin 15 të Ligjit për Parandalimin e Konfliktit të Interesit, ku përcaktohet se:

“Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksioni”.

Prandaj, zyrtari i lartë gjatë ushtrimit të funksionit publik nuk mund të administroj e as drejtoj një biznes privat dhe se të drejtat e drejtimit të ndërmarrjes duhet të i transferoj tek personi i besuar konform nenit 15 të Ligjit për Parandalimin e Konfliktit të Interesit.

Pas diskutimit dhe sqarimit, zyrtari i lartë është pajtuar me provat dhe faktet e prezantuara nga Agjencia, duke deklaruar se do të ndërmarr veprimet e menjëhershme për shuarjen e biznesit në fjalë.

Ndërkohë, zyrtari i lartë Hysen Hundozi ka dërguar në Agjenci njoftimin nga ARBK, e ku dëshmohet se është bërë shuarja e biznesit “DENDRON ALLIANCE” Sh.P.K.

Pas shqyrtimit të informatave si më lartë, Agjencia konstatoi se me veprimet e ndërmarra nga zyrtari i lartë Hysen Hundozi, është shmangur gjendja e papajtueshmërisë me ushtrimin e funksionit publik konform nenit 19, paragrafi 1, nënparagrafët 1.1 dhe 1.3., të Ligjit për Parandalimin e Konfliktit të Interesit.

Agjencia pretendimet e raportuesit të rastit i ka trajtuar në kontekst të ndalesave apo kufizimeve të përcaktuara me dispozitat e Ligjit për Parandalimin e Konfliktit të Interesit, të cilat përcaktohen si situata të konfliktit të interesit apo papajtueshmëri me ushtrimin e funksionit publik.


II. Agjencia vendosi si në pikën II. të dispozitivit të këtij vendimi, duke u bazuar në nenin 22 [Procedura administrative e Agjencisë për rastet e konfliktit të interesit], paragrafi 12 të LPKI-së, me të cilin është përcaktuar se: *“Të gjitha vendimet që i nxjerr Agjencia lidhur me konfliktin e interesit në ushtrimin e funksionit publik dhe shkëlqen e dispozitave të këtij ligji, përfshirë veprimet e ndaluara ose të kufizuara në ushtrimin e funksionit publik, ushtrimin e veprimtarive të tjera, papajtueshmëritë në ushtrimin e funksionit publik, duhet të respektohen nga zyrtarët dhe institucionet përgjegjëse. Ato bëhen publike në faqen zyrtare të internetit të Agjencisë.”*, si dhe paragrafin 15 të këtij neni, me të cilin është përcaktuar se: *“Vendimet e Agjencisë në lidhje me konfliktin e interesit janë përfundimtare në procedurë administrative.”*

Nga sa u tha më lartë, u vendos si në dispozitiv të këtij vendimi.

KËSHILLA JURIDIKE: *Pala e pakënaqur ka të drejtë të inicioj konflikt administrativ në Gjykatën Themelore të Prishtinës, Departamenti për Çështje Administrative, brenda afatit ligjor prej tridhjetë (30) ditësh, nga data e pranimit të këtij vendimi.*

Vendimi iu dërgohet:

- Palës z. Hysen Hundozi
- Palëve tjera procedurale
- Drejtorit të DPKI-së
- Zyrtarit përgjegjës (bartësit të lëndës)


YH/BULESHKAJ
Drejtor i Agjencisë
për Parandalimin e Korrupsionit